


مرکز تۆزۈپ :
باب عالی جاده سفده (اتحاد
تجارت) كىتبخانهسى

آبونه بدلى :
سنة لکى ۱۰۰ غروش
آلتى آلتى ۵۰
۴ لک اجنيه ايچين ۲۵ غروش ضم
اولوماليدىر .

آبونه قىدى افعاملهسى هرسته نك بونجى
وايكنجى آلتى آلتى اعتباراً اجرا اولونور .

دینی ، علمی ، ادبی ، اجتماعی



مجموعه نشریات اسلامی

صاحبی ، مدیری ، محرری :



اداره خانه سی :
بایزید جامع شریفک تربه قاپسی
قارشيسنده

اسلامك نفعنه خادم مقالات
مع الت شكر قبول ونشر اولونور

يازاتك شخصيتي دكل ، يازاتك اهميتي
نظردقته آلتير .

كان يازيلردن شايان قبول كورولنلر .
تاسخ سبراسيله دوج ايديلير .

كونده ريله جاك آثار ، اوقوناقلى
ومختصرجه يازيلش اولماليدىر .

ذى القعدة
۱۳۴۲
فى : غروش
۱۰

عدد
۴۹
جلد
۴

مخفل دینی و علمی :

قرآنك اعجازی

بسم الله الرحمن الرحيم

(فویل للذين يكتبون الكتاب بأيديهم ثم يقولون هذا من عند الله ليشتروا به ثمناً قليلاً فويل لهم مما كتبت ايديهم وويل لهم مما يكسبون - سورة البقرة)

الله ورسوله اعلم مآلى :

«اللىله كتاب يازوبده اونكله آز بر اجرت آلىق ايجين [بوء الله طرفقندرد] دينلرك وای حاله! وای، آلريله يازدقلرندن طولايي اونلره! وای قازاندقلرندن طولايي ده اونلره!»

كلام الهى به آشنا اولانلرجه بيلينديكى وجهله قرآن كريمك معجزات جليله سندن اولقى اوزره برحالى واردرد: بعضاً برآينى، واقعه يه اوقدر مطابق بولونوركه ايشيديلديكى وقت عادتاً يكيدين شرفنزول ايله مش ظن اولونور. بالايه نقل ايتديكم آيت جليله كى.

بونظم كريمك سبب نزولى اولارق شوييله ده نيلىور:

يثر ببلده سى، مركز اسلام و مدينة النبي عليه السلام اولقى شرفنى قازاندينى صيراده جوارى، يهوديلردن بنى قينقاع، بنى نضير، بنى قريظه واهالىله مسكون ايدى.

اهل كتاب اولان يثر يهوديلرينك بك چوقلرى ايسه (ومنهم اميون لا يعلمون الكتاب) كلام رباني سنده بيان بويورولدينى اوزره اوقومقدن، يازمقدن بى نصيب ايديلر. بناءً عليه حل مشكل ايجين خاخالره مراجعت مجبوريتنده قاليرلردى. اونلرده يا كندى فكر و منفعلرينه، يا خود مراجعت

ايدنلرك آرزولرينه كوره تورأتى تحريف ايله يرك بر قاچ پاره مقابلنده بر طاقم حكملر ويريرلر، اوغندى حكملركده احكام الهيه دن اولديغنى بيلديريرلردى. از جمله تورانده مذكور اولان اوصاف محمدية بى كاملاً ده كيشديريرلر و تاميله ضدنى سويلرلردى.

جناب حق، اونلرك شوء دىنى ساخته كاراغنى يوقاريكى آيت جليله ايله، ابدى خسراتلرينى ده اوچ دفعه تكرر ايله بن (ويل) كلمه دهشت انكيزيله خبر ويردى.

برقاچ وقتدن برى بزم آرامزده ده بويله تحريفكار مجتهدلر، يا خود عندياتجى مجددر ميدانه چيقدى. دينيات ساحه سنده بيله رك، بيلمه يه رك قلم اوينا تيورلر. يا ذهولاً، يا قصداً هم كنديلرينى، هم ده عوام خلقى آلداتيورلر.

ذاهل، يا خود مضل اولمقدن خالى قالمايان بوكيمسه لرك نتيجه حالى، (فويل لهم مما كتبت ايديهم وويل لهم مما يكسبون) وعيد الهيسنك مآيدرد. حضرت قرآن، ديكر بر آيتده: (فينسخ الله ما يلقى الشيطان ثم يحكم الله آياته) بويورويوركه:

«الله، شيطانك القا ايتديكى شيلرى نسخ ايدرد، صوكر اينه الله تعالى، كندى آيات واحكامنى ثابت قيلار» ديمكدر، حقيقه ده بويله در و بويله اولاجقدره شيطانك القا آتته اويانلر و باشقه لرينى اويدورمايه چابالا يانلر ايسه يهوده يورولا جقدر.

ظاهر المولوى

تفسيرلر - مفسرلر :

روايت و درايت

تفسيرك ايكى صنفه آيريلدينى كچنكى مقاله ده سويله نيلمه شدى. صنف - ۱: سلفدن منقول